

**Aalisarnermut Piniarnermullu Naalakkersuisoq
Landsstyremedlem for Fiskeri og Fangst**

Inatsisartunut ilaasortat Palle Christiansen aamma Jens B. Frederiksen
Inatsisartut Allattoqarfiat
Maani

Qilalukkanik pisaqarpallaarsimaneq pillugu apeqqutisi pillugit

5. januar 200623-09-2004 18:04
J.nr. 66.22/09

Postboks 269
3900 Nuuk
Oq/tel +299 34 50 00
Fax +299 32 47 04
aapip@gh.gl
www.nanoq.gl

Inatsisartut suleriaasianni § 36, imm. 1 naapertorlugu 22. december 2005 qilalukkanik pisaqarpallaarsimaneq pillugu apeqquteqarpusi naalakkersuisoqarfinni 2. januar 2006 tiguneqartunik. Taamaattumik tamanna pissutigalugu akissuteqarnissamut piffissaliussarsi naammassisinnaasimangilara.

Aallaqqaasiullugu ajuusaarutigissavara matumani apeqqutigineqartut qernertartassiissutillu qaffanneqarnerat pillugu Inatsisartunut ilaasortap Jens B. Frederiksenip 13. december 2005 apeqqutaanut 20. december 2005 akissutigaa imminnut paarlaannarsimmamata.

Taamaattumik annerusumik taanna innersuussutigissavara. Akissutimma taassuma assilinera ilisimatitsissutitut ilanngunneqarpoq. Arfinilinnik apeqquteqarpusi tul-leriinneri malillugit matumani akineqartunik.

Ilumoorpa, "Qilalukkat qaqortat qernertallu illersugaanerat piniagaanerallu pillugu Namminersornerullutik Oqartussat nalunaarutaanni nr. 2, 12. februar 2004-meer-soq" taakkunannga uumasunik piniapilunneq ajornartoq?

Erseqqissaqqikkusupparali pisassiissutit sipporneqannginnissaat kommunit akisus-saaffigimmassuk pisassiissutit tunniunneqartut sipporneqannginnissaat qularnaar-niarlugu nakkutilliinermik isumannaatsumik pilersitsinermikkut. Taamaattumik ajornangilaq pisassiissutinit amerlanerusunik pisaqartoqarsinnaanera, kommuni pisassiissutit tunniunneqartut pisarineqartarnerinik nakkutilliinermik isumannaatsumik pilersitsisimangippat.

Ilumoorpa, Uummannami 20. november ullup ataatsip ingerlanerani qilalukkanik 68-inik pisaqartoqarsimanera, taamaalilluni qilalukkat pisassarititat 51-inik sinnerneqarsimasut?

Aap.

Aap. Tamatumani Uummannap kommunianut 23. november 2005 allakkat, ajoraluartumik kommunimit sulii qisuariarfigineqanngitsut, innersuussutigineqarput.

Piniapilunneq qanoq ililluni pisinnaava, "Qilalukkat qaqortat qernertallu illersugaanerat piniagaanerallu pillugu Namminersornerullutik Oqartussat nalunaarutaanni nr. 2, 12. februar 2004-meersoq" nalunaarutip ajornarsisippagu?

Apeqqummut siullermut akissut takoqquneqarpoq.

AG normu 98-imi Jens Lars Fleischer issuarneqarpoq, Namminersornerullutik Oqartussat nalunaarutaanik assigiinngitsunik nassuiaasoqarsinnaasoq. Naalackersuisoq Jens Lars Fleischerimik isumaqataava, nalunaarutit assigiinngitsunik nassuiarneqarsinnaaneri ilumoorpa?

Naalackersuisut kommuninit allanilluunniit oqaaserineqartunut akisussaatinneqarsinnaanngillat. Malittarisassani putoqartoq paasineqarpat soorunami naalackersuisut isumagisassarivaat malittarisassat iluarsissallugit.

Uummannami piniarpilunnermi pisut uteqqinnissaat piniveersaarniarlugit Naalackersuisoq qanoq iliuuseqarniarpa?

Naalackersuisut naatsorsuutigaat pisassiissutit sipporlugit pisaqartoqartillugu taakku ukiumi pisassiivimmi tullermi ilanngaatineqarnerat taamatut pisaqoqqinnginnissaa qularnaarniarlugi sakkussaasoq naapertuuttoq.

Ikinngutinnersumik inuulluaqqusillunga

Finn Karlsen

Aalisarnermut Piniarnermullu Naalackersuisoq